

puelles. Hel. Lej
par. la quelle. au
Contenance. noble
de la bilité
Général. du Roy
la dille. par une
- Me. l'homme. d'au
- Bien. à l'eu. G
Le. seigneur. Le
prou. Les. Cas
en procet. G
la dille. l'ancêtre
sur. ou. l'ord
ou. vient. les

EDIT ET OR-

DONNANCE DV ROY,

DONNE A MOVLINS AV

mois de Feurier 1566. Con-

tenant plusieurs articles,

sur le fait & admini-

stration de la

iustice,

AVEC L'ARREST DE
la Cour de Parlement de Rouen: Donnè,
les chambres assemblees, sur la publication
dudit edit. Le tout publié en ladite cour, le
trentième iour d'Aoust ensuyuant.



A ROVEN,

Chez Martin le Mesgissier, Imprimeur du Roy.

1579.

Avec privilege dudit Seigneur.

Case

F

39

326

1579 f

THE NEWBERRY
LIBRARY



EDIT ET ORDONNANCE
 du Roy, donné à Monlins au mois de
 Feurier 1566. (contenant plusieurs articles,
 sur le fait et administration de la iustice.



HARLES par la
 grace de Dieu Roy
 de Frâce, à tous pre-
 sens & auenir: Cō-
 me pour pouruoir
 aux plaintes, & do-
 leances à nous faites
 par nos suiets en diuers lieux, au voyage
 qu'auons continué depuis deux ans,
 par les prouinces de nostre Royaume.
 Entre autres choses sur le fait & admi-
 nistration de nostre iustice. Nous euf-
 sions aduisé pour la reformation & rei-

A ij

glement d'icelle, assembler (en celles de nos villes ou ferions seiour cest yuer) les gens de nostre cōseil & aucuns presidens & conseillers de nos Courts de Parlement & grand conseil, mandez & deputez pour cest effet. Lesquels seroyent venus en nostre ville de Moulins, nous y estans: où apres communication entre-eux, suyuant nostre commandement de leurs cayers & articles, & rapport fait d'iceux en nostre cōseil, avec autres, proposez pour l'obseruâce, renouvellement & declaration de nos ordonnances & de nos predecesseurs. Le tout meuremēt deliberé en nostredit cōseil: Auquel nostre trescher frere le duc d'Aniou presidoit, & depuis rapporté & reueu en nostre presence, assistez de nostre tres-honoree dame & mere la Royne, de nostredit frere, des princes de nostre sang, & plusieurs autres seigneurs & cōseillers de nostredit

con-

conseil. SAVOIR faisons, que de leur aduis & de nos certaine sciéce, pleine puissance & autorité royale. Auons statué & ordonné, statuons & ordonnons, par Edit & Ordonnances irrevocables, ce qui ensuit.

ARTICLE I.

LES Ordonnances par nous faites depuis nostre aduenemēt à la courōne, tant à la requeste des trois estats, qu'autres: mesmement celles concernans le fait de la iustice, & semblablement celles de nos predecesseurs (qui ne seroyēt specialement reuoquees ou moderees) seront gardees & obseruees en nos parlements, grand conseil, chambres des comptes, & autres nos cours & iustices, & entre tous nos suiets. Nonobstāt les remōstrances faites ou reservees à faire sur aucuns articles d'icelles. Nonobstāt aussi que nosdits Edits & ordonnances n'ayent esté publiees en aucunes desdi-

tes courts. Pourront neantmoins les gens de nosdits parlements, & courts souueraines, si par succez de temps, vsage & experience, aucuns articles desdites ordonnances, se trouuoient contre l'vnité & cōmodité publique: où estre suiets à interpretation, declaration ou moderation, nous en faire telles remōstrances qu'il appartiendra, pour y estre pourueu. Et ce pendant nosdites ordonnances tiendront (ce que voulōs auoir lieu) tant pour les ordonnances ia faites qu'à faire.

II.

A P R E S que nosdits edits & ordonnances, auront esté enuoyees en nos courts de Parlement, & autres souueraines pour y estre publices, voulons y estre promptemēt procedé, tous affaires delaissez (sinō qu'ils auissent nous faire quelques remonstrances) auquel cas leurs enioignons les faire incontinent,

nét, & apres que sur icelles remonstrances leur aurons fait entédre nostre volonté. Voulons & ordónons estre passé outre à la publication, sans aucune remise à autres secondes.

III.

P O V R obuier & pouruoir à toutes contrauentions à nos ordonnances, & icelles faire promptement cesser. Nous voulons que suyuant nos anciénes ordonnances, les Mercuriales soyent tenues en nos courts de parlement, de trois en trois mois. Et enioignons tres-expressément à nos aduocats & procureurs general, les promouuoir, & en poursuyure le iugemét, & qu'elles soyét incontinent enuoyées à nous où à nostre trescher & feal chancelier, dont nous chargeons les presidens de nosdits parlemens.

IIII.

L E S gens de nosdites cours proce-

deront à rigoureuse punition de nos iuges, & officiers de leur ressort, qu'ils trouueront auoir contreuenue ou enfreint nos ordonnances, sans aucune dissimulation ou excusse.

V.

N OS iuges, procureurs & officiers és sieges inferieurs de nosdites courts (à peine de priuation de leurs estats) feront par chacun an recueil de nos ordonnances mal obseruees en leurs sieges, & les enuoyeront à nos courts de parlemens de leur ressort, & procureurs generaux en icelles, avec memoires des occasions dont telles fautes procederont, afin d'y estre par nous ou nosdites cours pourueu.

VI.

ET afin que lesdites ordonnances faites de nostre temps, soyét mieux obseruees: voulons que de six mois en six mois, lecture publique en soit faite en

nos

nos parlemēs, & de trois mois, en trois
mois en nosdits sieges.

V II.

LES maistres des requestes ordinai-
res de nostre hostel, feront leurs che-
uauchees par toutes les prouinces de
nostre Royaume, selon le departemēt,
qui à ces fins sera fait par chacun an par
nostredit chācelier. Auquel ils rappor-
teront leurs procez verbaux des con-
trauentions qu'ils trouuerōt auoir esté
faites à nos ordonnances, & autres cas
qui meriteront punition & correctiō.

V III.

RESERVONS pour mesmes ef-
fets que dessus, d'ordonner des seances
des grans iours par tel nombre des gēs
de nos parlemens que nous auiserons,
pour la punition des crimes, entretene-
ment de nos ordonnances, & animad-
uersion sur nos iuges & officiers, selon
l'exigence des cas.

IX.

AVENANT vacation, des offices des conseillers en nosdits parlemens, à ce que soyons plus enclins d'auoir esgard aux nominations des personnes, qui nous seront par eux faites au lieu des decedez. Voulõs qu'ils ayent à nōmer personnes capables par nos ordōnances, pour entrer esdits parlemens, ayans l'aage de vingt cinq ans passez: versez en la iurisprudence, & experience des iugemens, sans pouuoir nommer plus d'un, natif de la ville, où est establi iceluy parlement. Et auant l'election, tous ceux qui y assisteront, presteront es mains de celuy qui presidera serment de pure & sincere election. Et neantmoins, n'entendons que par telle election ou nomination, les esleus ou nommez, puissent pretendre n'estre subiets à l'examen: Ains voulons, estre contrains à fvbir iceluy, combien que
elle

elle leur serue d'approbation de leur
qualité & preud'homme.

X.

LES examens qui se feront en nos-
dits parlemens & cours souueraines,
des pourueus des offices d'icelles, suiets
à examen par les ordonnances: Seront
faits à ouuerture des liures de droit, sàs
bailler loy ou theme particulier à ceux
qui se presenteront. Aufquels examens
enioignons à nosdites cours vaquer
soigneusement, & ne receuoir en icel-
les, sinon ceux qui serôt approuuez par
les deux tiers de la compagnie, qui aura
assisté à l'examé, sans qu'on puisse bail-
ler delay d'estude, où sàs à rapporter à
ceux qui se trouueront moins capables
ou suffisans.

XI.

ES sieges de nos bailliages & se-
neschaussées, & autres nos sieges infe-
rieurs de nosdites cours: voulons & en-

tendons, la forme susdite estre gardee aux nominations que leur auons permis & enioint faire par nos dernieres ordonnances : aduenant vacation des offices de leursdits sieges, en gardant aussi la forme contenue en nosdites ordonnances : Sans proceder à seconde, ne tierce election : sinon qu'ils eussent de nous lettres expresses de ce faire. Et quand à l'examen de ceux qui seront pourueus des offices de nos lieutenans & procureurs du Roy és sieges presidiaux. Voulons iceluy estre fait en nosdites cours, à peine de nullité des receptions qu'autremét seroyent faites, ce qui sera fait promptemét en nos cours, sans les tenir en longueur.

XII.

A V cas qu'il nous pleust admettre aucune resignation des offices de nosdites cours ou sieges : Nous voulons qu'apres les presentations des prouisions

sions, delay d'un mois soit baillé à nos procureurs, pour enquerir de la capacité & preud'homme des pourueus, & de la façon de la resignation. Surquoy pourront nosdits procureurs requerir, que tant le resignant que resignataire, soyent ouys par serment en nostre dite cour, si le resignant est present, ou par les iuges de sa demourance fil est absent.

XIII.

A FIN de reduire le nombre de nos iuges presidiaux & sieges d'iceux, pour auoir plus de moyen de les assigner de bons gages, suyuant la requisition & remonstrance de nos subiets, auons dès à present supprimé les sieges presidiaux, ci deuant establis en aucuns sieges particuliers de nos baillifs & seneschaux. Et ordonné qu'il n'y aura qu'un siege presidial au principal siege & ville capitale de chacun bailliage &

seneschauſſee: Auquel n'y aura pl⁹ grãd
nombre de iuges que de ſix, comprins
les lieutenans. Et ſi plus y en a pour le
preſent y demeureront, à la charge de
la ſuppreſſion, par mort, forfaiture ou
rembourſement, ſans qu'ils puiſſent
eſtre receus à reſigner. Et les ſieges ou y
aura moindre nombre, ſeront remplis
des conſeillers des ſieges particuliers,
ſupprimez comme deſſus.

XIIII.

E T afin que noſtre iuſtice ſoit pu-
rement & nettemēt adminiſtree, nous
voulons & entendons, qu'après ladite
reduction faite: les gages, tant deſdits
ſieges que des perſonnes ſupprimez,
dont l'aſſignation eſt faite par nos
edits, ſoyent reſeruez & accroiſſent à
ceux qui demeureront ſelon la diſtri-
bution & departemēt que nous en fe-
rons. A la charge qu'ils ſe contenterōt
deſdits gages & ſalaires publiq, ſans
pren-

prendre espices ni autres profits ou fa-
laire, sur peine de crime de concussion.

XV.

COGNOISTRONT en der-
nier ressort & souueraineté, nos iuges
presidiaux establis comme dessus, des
matieres non excedans la somme de
deux cens cinquante liures, pour vne
fois payer, & de dix liures, en rente ou
revenu annuel, & feront leurs iugemēs
executoires par prouision: nonobstāt
l'appel & sans preiudice d'iceluy, iuf-
ques à la somme de cinq cens liures,
pour vne fois payer, & de vingt liures
de rente & revenu annuel.

XVI.

ET pour oster l'abus qui s'est trouué
esdits sieges presidiaux, de faire deux
seances & iugemēs, separez en mesme
siege, l'un ordinaire par le bailli, senes-
chal ou son lieutenant, l'autre par lesdits
presidiaux, & par appel, au cas de l'e-

dit. Nous deffendons doresnauant ausdits baillifs, seneschaux, & iuges presidiaux, de plus faire telles diuerses seances en leurs sieges: ains iuger toutes causes ensemblement, tant celles qui sont des cas de l'edit, en dernier ressort, que les autres qui sont subiettes à ressort en nos parlemens.

XVII.

DEFFENDONS aux gens tenans nos parlemens, prendre cognoissance par euocation ou appel, formé comme d'abus ou autrement, des iugemens donnez par lesdits presidiaux, és cas qu'ils pourrôt iuger en dernier ressort. Et à nos chanceliers d'en ottroyer reliefs d'appel, ni à nos cours les recevoir. Ains leur enioignōs denier toute audience aux parties. Et pourrôt lesdits iuges presidiaux, iuger sans appel les causes de recusation, qui seront presentees és matieres qui leur sont attribuees,

buees, en dernier ressort, pourueu que
ils soyent en nombre de cinq, pour iu-
ger lesdites recusations. Et s'ils ne sont
au nombre susdit, appelleront pour ice-
luy parfaire des aduocats du siege, non
suspects aux parties.

XVIII.

NE seront ci après receuës les par-
ties, à proposer erreur contre les iuge-
mens, donnez en dernier ressort par
lesdits presidiaux, nonobstant que par
nos edits leur ait esté permis.

XIX.

DEFFENDONS à tous iuges de
rien prendre des parties, sinon ce qu'il
leur est permis par nos ordonnâces, &
de prendre pension, ou tenir estats &
offices des sieurs temporels, ecclesiasti-
ques ou autres, ne s'entremettre de po-
stuler en leurs sieges pour les parties, en
quelque cause que ce soit, encores que
n'y ayons interest : nonobstant tout

vsage ou dispense au contraire.

XX.

PAREILLES deffenses sont faites à nos procureurs. Et outre leur inhibons de prendre aucune chose par taxe de nos iuges, faites sur nous ou sur les parties ni autrement, pour quelque cause que ce soit : ains se contenter des gages que leur auons ordonnez, & entendons leur augmenter, & assigner cy apres. Et quād à nos aduocats qui sont de present és sieges inferieurs:seulemēt leur est permis postuler, cōsulter ou escrire pour les parties és causes ou n'aurons interest. Le surplus des autres deffenses susdites, tenans en leur regard, le tout sur peine de concussion, dont nos iuges & officiers seront tenus nous aduertir, & nosdites cours, sur peine de priuation de leurs estats.

XXI.

NOS preuost de Paris, baillifs & senes-

seneschaux de nos prouinces, seront de
robbe courte, gentils-hommes, & de l'
aage & suffisance requise par nos or-
donnances, & de nos predecesseurs, &
leur enioignons d'aller resider dás trois
mois en leurs prouinces ; autrement à
faute d'obeir, & s'ils n'estoyent desdites
qualitez, declarons dés à present leurs
offices vaquans, pour y estre par nous
pourueu: sinon que dans ledit temps ils
nous ayent présenté par leur resignatiõ,
personnes des qualitez susdites. Et ce
nonobstant leurs prouisions & rece-
ptions, & quelcõques dispenses, faites
ou à faire, à ce contraires, ausquelles ne
voulons nos parlemens auoir aucun es-
gard, entendans que nosdits preuosts,
baillifs & seneschaux, puissent entrer &
presider en leurs sieges, tant en l'audi-
ence qu'au conseil, & que les sentences
& commissions soyent expediees en
leurs noms.

XXII.

ET pour ne confondre, ains reigler les pouuoir & cognoissance de tous gouuerneurs de nos païs, avec nos bailifs & seneschaux, voulons que les Ordonnances de ce faites par nostre Biseyeul, le feu Roy Loys douzieme, & defunt nostre tres-honoré seigneur & pere, le Roy Henri, soyent gardees & obseruees, & en ce faisant auons déclaré que lesdits gouuerneurs ne peuuent, & leur deffendons, d'õner aucunes lettres de graces, remission & pardon: foires, marchez, & legitimatiõ, & autres semblables, d'euoquer les causes pendantes par deuant les iuges ordinaires, & leur interdire la cognoissance d'icelles, & s'entremettre aucunement du fait de la iustice, leur enioignant toutefois ou besoin seroit, de prester aide & secours de force militaire à la iustice, pour l'exécution des sentences, & iugemens de

nosdits preuost de Paris , baillifs & seneschaux, & arrests de nos parlemens, & tenir les pays à eux commis en seureté, les garder de pillerie, visiter les places fortes, & nous aduertir des entreprises qu'on pourroit faire en nos Royaume, pays & terres de nostre obeissance, qui sont de leur gouuernement.

XXIII.

ET par ce qu'à nous seul appartient leuer deniers en nostre Royaume, & que faire autrement seroit entreprendre sur nos autorité & maiesté. Deffendons tresexpressément à tous nos gouuerneurs, baillifs, seneschaux, & tresoriers generaux de nos finâces, & autres quelcôques nos officiers, d'entreprendre de leuer ou faire leuer aucuns deniers en nos pays, terres & seigneuries, & sur les subiets d'icelles, quelque autorité qu'ils ayent, ou pour quelque cause que ce soit: ne permettre qu'autres en

leuent, soit en nom de particulier ou de communauté, sinon qu'ils ayent nos lettres patentes, precises & expresses pour cest effect, à peine de confiscation de corps & biens: enioignás à nos procureurs de faire instances & pourluite contre les contreuenans & tous autres, & de ce que fait en auront nous aduertir, sur peine de priuatiõ de leurs estats.

XXIIII.

NOS baillifs & seneschaux, seront tenus, & leur enioignons prester toute ayde & confort, pour apprehender les accusez, contre lesquels y aura decret de iustice, & les rechercher, tant que leur prouince & pouuoir se pourra estendre, & où lesdits accusez se retireroût és prochaines prouinces, en aduertiront les baillifs ou seneschaux d'icelles, pour les apprehéder, si possible est, & leur donneront secours. Et pareil aduertissement & secours bailleront les

les vns aux autres, les preuosts des Ma-
reschaux, vibaillifs, viseneschaux, où
leurs lieutenans.

XXV.

E T le semblable sera fait pour les
appelez & adiournez à ban, par contu-
mace, les noms desquels serōt inscripts
en tableaux, qui seront affichez aux
portes des villes, & des sieges & audi-
toires des lieux, dont les decrets seront
emaner, à ce qu'aucun n'en pretende
cause d'ignorance.

XXVI.

DEFFENDONS à tous nos
subiets de receuoir ni receler aucuns ac-
cusez & appelez à ban, pour crime &
delit, sur peine de semblable punition
que meriteroyent lesdits accusez.

XXVII.

ENIOIGNONS à tous nos bail-
lifs & seneschaux ou leurs lieutenans,
& autres nos officiers, de faire estreite-

ains seront nulles les impetrations & concessions qui seront faites auant le-dit temps. Et ceux qui les impetreront auant iceluy temps expiré, seront de-clarez indignes de nos faueur & bien-fait.

XXIX.

CE V X qui tiendront fort en leurs maisons & chasteaux contre nostre iustice & decrets d'icelle, & n'obeiront aux commandemens qui leur seront faits, confisqueront leursdites places à nostre profit, ou des hauts sieurs iusticiers à qui il appartiendra: soit en pays ou confiscation a lieu, soit en autres: sauf, si pour certaines grandes causes est ordonné par nous ou iustice, que lesdites maisons & chasteaux seront demolis & rasez pour exemple: & outre, perdront lesdits rebelles & contumax, tout droit de iustice qu'ils auront esdits lieux, laquelle sera reunie au profit de nous ou
des-

desdits hauts iusticiers : sans preiudice
touttefois de punition de corps, & per-
te du surplus de leurs biens, si elle y es-
chet.

XXX.

LES hauts iusticiers qui souffriront
ports d'armes, forces ou violences estre
faits en leurs iustices, & n'en feront
poursuite, seront priuez de leursdites
iustices, & s'ils estoient complices ou
fauteurs, seront punis des peines que
dessus. Et quant aux iuges, procureurs
& officiers, de nous ou desdits hauts iu-
sticiers: Nous (pour leur negligence de
la poursuite & punition desdits crimes)
les auons dès à present declarez, priuez
de leurs estats, & leurs offices vaquans,
pour y estre pourueu d'autres en leur
lieu.

XXXI.

NOS huissiers ou sergens exploi-
rans en leurs ressorts, porteront en leur

main vne verge, de laquelle ils toucheront ceux auxquels ils auront charge de faire exploit de iustice. Lesquels seront tenus y obeir sans resistance, sur peine de descheance de leur droit, où d'estre reputez conuaincus des cas à eux imposez, & autrement punis à l'arbitrage de Iustice.

XXXII.

NE pourront lesdits huissiers ou sergens, s'accompagner que de leurs records, & non aucunement des parties pour lesquelles ils exploiteront. Bien y pourront enuoyer hommes pour eux, pour designer les lieux & personnes, auquel cas, celui qui sera enuoyé par eux y pourra assister, sans suite, compagnie & sans armes.

XXXIII.

NOS huissiers ou sergens pourront appeler & exciter à leur aide & confort, les habitans de nos villes & villages, lesquels

quels seront tenus leur prester, sur peine d'amende arbitraire, & plus grande si elle y eschet.

XXXIII.

DEFFENDONS sur peine de la vie à tous nos suiets de quelque qualité qu'ils soyent, outrager ou excéder aucun de nos officiers, huissiers, ou sergens, faisant ou exploictant acte de iustice, dont n'entendōs estre expediees lettres de grace ou remission. Et si par importunité, aucune estoit par nous accordée, ne voulons nos iuges y auoir aucun esgard.

XXXV.

EN declarant & adioustant à nos precedentes ordonnances, voulōs que la cognoissance des delits appartienne aux iuges des lieux où ils auront esté commis, nonobstant que le prisonnier ne soit surprins en flagrant delit. Et sera tenu le iuge du domicile renvoyer le

delinquant au lieu du delit, fil en est requis. Seront aussi les graces & remissiōs adressees à nos iuges presidiaux, & aux lieux esquels n'y a siege presidial, à nos iuges ressortissans neuëment en nos cours, & non à autres: & si le delit estoit commis ailleurs, ne pourront lesdits presidiaux interiner lesdites lettres sans aduertir les iuges du delit, & faire apporter par deuers eux les informations & procedures faites sur les lieux du delit. Et ne voulons que ceux qui auront obtenu de nous lettres de grace, pardon ou remission, s'en puissent aider apres les trois mois de la datte d'icelles: encores qu'elles eussent esté donnees par nous és entrees des villes, & non obstant les lettres de surrogation que feroient par eux impetrees.

XXXVI.

DEFFENDONS à tous iuges, greffiers, & autres officiers, tant en nos
cours

cours que sieges ordinaires, sur peine de repetitiō du quadruple, de recevoir par les mains des prisonniers, ou autres pour eux, aucuns frais, taxe ou salaire, pour la confection du procez criminel, ni mesmes pour la preuue des faits iustificatifs & de reproches.

XXXVII.

CEUX qui feront l'instruction en matiere ciuile ou criminelle, suiette à taxe: ne pourront pour leur labeur ou assistance faire lescdites taxes: mais se feront en nos courts, par les presidens en icelles, & en nos sieges par les lieutenans aux conseillers, & par les conseillers aux lieutenâs: en telle moderation que faire se pourra, pour le soulagement de nos suiets. Pour lequel n'entendons aussi que dorefnauant soit commis que vn seul commissaire, & non deux, pour vaquer aux instructions des procez, en la presence toutesfois du greffier ou

son commis, le tout sur peine du quadruple.

XXXVIII.

ET pour reigler les differens qui ont esté ci deuant en nos courts, pour la cognoissance des causes & procez criminels des gens d'Eglise, nobles & officiers, declarons & voulons que lesdits procez introduits en premiere instance en nosdites courts, soyent instruits & iugez en la grande chambre, si faire se peut, & lesdits accusez le requierent: autrement & sans ladite requisition, se pourront instruire & iuger en la chambre de la Tournelle. A laquelle voulons aussi lesdites instructions estre renuoyees par ladite grand' chambre, si pour les empeschemens & occupations d'icelle, lesdites instructions ne peuuent estre faites promptemét & commodément, ainsi qu'il est requis en telles matieres, & neantmoins vou-

lons

lons en tous cas , qu'au iugement desdits procez criminels qui seront faits en ladite grand' chambre , assistent les presidens & conseillers de la grande chambre, estans du seruice de la Tournelle : Et quant aux procez instruits ou iugez par deuât nos iuges , & hors nosdites cours, contre les personnes susdites , les appellations interiettees des instructiōs , se pourrōt iuger en la Tournelle , nonobstant le debat des parties : & semblablement les appellations des iugemens definitifs (si les personnes condamnées ne requierent estre iugez en la grande chambre) auquel cas y sera procedé comme dessus.

XXXIX.

P O V R obuier aux difficultez qui se font ci deuant presentees en la confection des procez criminels , des personnes ecclesiastiques , mesmement pour le cas priuilegié , ordonnons que nos

iuges & officiers, instruiront & iugeront en tous cas les delits priuilegiez, contre les personnes ecclesiastiques, auparauant que faire aucun delaissement d'icelles à leurs iuges d'Eglise, pour le delit commun: lequel delaissement sera fait à la charge de tenir prison, pour les peines du delit priuilegié, où elles ne auroient esté satisfaites: & desquelles respondront les officiers de l'Euesque, en cas d'elargissement par eux fait, auant la satisfaction desdites peines.

X L.

EN declarant l'article de l'ordonnance par nous faite, sur le priuilege de clericature: ordonnons que nul de nos suiets, soy disant clerc, ne pourra iouir dudit priuilege: soit pour delaissement aux iuges d'Eglise, ou pour autre cause, fil n'est constitué es ordres sacrez, & pour le moins foudiacre, ou clerc: actuellement residant & seruât aux offices,
mini-

ministères & bénéfices qu'il tient en l'Eglise.

XLI.

P O V R reprimer les excès & voyes de fait, qui se commettent en ce royaume: voulons & ordonnons que les preuosts des maréchaux, vibailifs, & viseneschaux ou leurs lieutenans, qui seront establis par les prouïces de nostre royaume, cognoissent des cas à eux attribuez en dernier ressort, par nos edits cōtre toutes personnes, de quelque qualité qu'ils soiēt, domiciliers ou autres, & neâtmoins puissent faire toutes captures en tous cas, sauf à delaisser à nos iuges ordinaires les prisonniers qui ne seront leurs iusticiables par nos edits.

XLII.

A V cas que leur competance ou incompetēce seroit en dispute, ne pourront nos suiets se pourvoir par appel, pour ce regard, deuers nous, ni à nos

parlemés, ains par requeste de renuoy,
laquelle sera iugée par nos officiers, au
siegé presidial de leur prouince, plus
prochaïn du lieu ou sera faite la capture
& instruction, & non ailleurs: assistant,
si present est, le baillif ou seneschal, &
par l'aduis & iugement des principaux
officiers du siegé, iusques au nôbre de
sept au moins: en laquelle forme & fa-
çon seront aussi iugez en dernier res-
sort, les procez instruits és cas de nos
ordonnances, par lesdits preuosts, vi-
baillifs ou viseneschaux, au rapport de
l'un des lieutenans & conseillers dudit
siegé: & deffendons esdits cas à nos
cours des parlemens, d'en prendre au-
cune cognoissance, voulans qu'en cas
de recusation, soit procedé au iugemēt
d'icelles, comme auons ci dessus permis
aux sieges presidiaux.

X L I I I.

LESDITS preuosts des mares-
chaux,

chaux , vibailifs & vifeneschaux ou leurs lieutenans , ferōt tenus faire leurs cheuauchees par les champs , & y vaquer continuellement, fans feiourner aux villes : finon pour occupation necessaires & legitimes , à peine de priuations de leurs estats, & faire procez verbaux de leurs cheuauchees, pour les représenter à iustice, quant & à qui il appartient, & requis en seront.

XLIIII.

PAREILLEMENT seront tenus faire inuentaie de tous les biens prins & saisis sur les prisonniers, & iceux enuoyer aux greffes de nos sieges presidiaux, pour estre rendus ou appliquez, ainsi que par iustice sera ordonné.

XLV.

NE pourrōt lestdits preuosts, vibailifs, vifeneschaux, ou leurs lieutenans, & archers, prendre ne exiger de nos sujets, aucuns deniers pour leurs despens,

frais, salaires & vacations : soit pour informations, decrets, & captures des delinquans , où autre quelconque cause que ce soit: nonobstant que nosdits suiets y eussent interest, cōme parties civiles, & ce sur peine de priuatiō de leurs offices. Et où ils seroyent negligens, mesmes apres la requisition & sommation de nosdits suiets, de monter à cheual, informer, & aller la part ou les crimes auront esté commis , ou les delinquans retirez: nous voulons qu'ils soyent condamnez en tous les despens, dommages & interests des parties , & priuez de leurs estats.

XLVI.

COGNOISTRONT aussi nos iuges, & sieges presidiaux, par concurrence & preuention des cas à eux attribuez ausdits preuosts, vibailifs & viseneschaux, pour instruire les procez, & les iuger en dernier ressort, au nombre
de

de sept: & par semblable, contre les vacabons, & gés sans adueu: comme aussi pourrôt faire lesdits preuoists, vibailifs & viseneschaux, selon la forme toutesfois ci dessus ordonnee pour la competence, instruction & iugement.

XLVII.

ET pour la frequence des forces publiques qui se commettent à present en nostre Royaume: voulons que pour ceste annee seulement, lesdits iuges presidiaux puissent instruire & iuger sans appel, au nombre de sept, toutes matieres d'excez, commis avec forces, port d'armes & assemblees illicites, contre toutes personnes de leur prouince, de quelque qualite qu'ils soyent, & ce iusques à sentence de mort exclusiuement: auquel cas voulons estre deferé à l'appel qui sera interietté par le condamné.

XLVIII.

POVR faire cesser les subterfuges,

delais, & tergiuerfations des condam-
nez, & oster la multiplicité des instan-
ces, & execution des iugemens & ar-
rests: voulons & ordonnons que tous
iugemens & condamnations de som-
mes pecuniaires, pour quelque cause
que ce soit, soyent promptement exe-
cutez par toutes contraintes & cumu-
lation d'icelles, iusques à entier paye-
ment & satisfaction. Et si les condam-
nez n'y satisfont dans les quatre mois
apres la condamnation à eux signifiée,
à personne ou domicile, pourrôt estre
pris au corps, & retenus prisonniers
iusques à la cession ou abandonnemēt
de leurs biens: & si apprehēdez ne peu-
uent estre, ou si mieux la partie le veut
ou requiert, sera par nos iuges procedé
pour la contumace du condamné au
doublement, & tiercement des som-
mes adiugees.

ET

XLIX.

ET par ce que les ordonnances faites pour les crieés & adiudications, par decret, par feu nostre tres-honoré sieur & Pere, ne sont gardees en plusieurs lieux de ce nostre Royaume, mesme-ment és pais de droit escrit, & en autres endroits, ne sont exactemēt obseruees par la subtilité ou malice d'aucuns, qui retardent le cours desdites crieés & adiudications, au grand retardement de nos finances & debtes de nos subiets. Nous voulons & ordonnons, lesdites ordonnances estre estroitement gardees en tout nostre Royaume, sans vsfer de la forme de mission en possēssiō reuocable, & que les delais pour faire encheres, courront durant les quarante iours ordonnez pour la vente & adiudication. Apres lesquels finis n'y aura autre delay, que de huiētaine ou quinzaine, pour toutes encheres: & iceluy

passé, l'adiudication sera faite, sans plus
reueoir aucune enchere, debat ou em-
peschement de personne quelconque.
Enioignás à nos greffiers & leurs com-
mis en nos courts, de clorre & arrester
l'adiudication, sans tenir lesdits decrets
en suspens: declarans que par faute de
seau, lesdites adiudications ne seront
dorefnauant suspendues, ains serót re-
nues pour parfaites, apres lesdits delais
expirez.

L.

DEFFENDONS à tous nos su-
iets: mesmement aux condamnez, de
ne troubler ou empescher les com-
missaires, qui seront commis au regime
& gouuernement des terres ou herita-
ges, saisis par ordonnance de iustice:
ains leur enioignons en delaisser la pai-
sible iouissance & administration, sans
aucun empeschemét, sur peine de des-
cheance de tout droit de propriété, &
possef-

possession à eux appartenant en la chose saisie, que nous voulôs estre promptement déclaré contr'eux avec autre plus grande punition, côme le cas requerra.

L I.

LE Scondamnez purement & simplement à delaisser où soy departir d'aucun heritage , seront tenus promptement ce faire, apres la sommation & significatiô qui leur en sera faite, en personne ou domicile: nonobstant les oppositions qui serôt formees par le condané, sa femme, enfans & famille, pour quelque cause que ce soit, sauf à se pourvoir par icelles, ainsi qu'il appartiédra. Et si y a opposition formee par autres personnes, sera neantmoins celuy qui a obtenu le iugemêt, mis en telle possession, en laquelle estoit le condané, sans preiudice des droits desdits opposans.

L II.

P O V R faciliter les executions des

arrests & iugemens, & oster plusieurs inuolutions & longueurs qui y sont par trop frequētes, & ordinaires, auons ordonné que dorefnauant pour les reparations & meliorations adiugees aux condamnez, ne seront empeschees les executions des iugemens, pour le fait de la possession & introductiō en icelle, des personnes qui auroyent obtenu iugement à leur profit, en baillant par eux caution bourgeoise & suffisante, de les payer si tost qu'elles serōt liquidees, & demeurant la terre ou heritage pour ce regard, affecté & hypotequé audit payement : sinon que le condamné les offrit liquider dedás vn mois pour tout delay.

LIII.

DESLORS & en l'instant de la condamnation, dōnee en dernier resort, & du iour de la prōnociation, sera acquis à la partie droit d'hypoteque
sur

sur les biens du cōdamné, pour l'effect
& execution du iugement ou arrest par
luy obtenu.

LIIII.

POVR obuier à la multiplication
des faits qu'on a veu ci deuant estre mis
en auant en iugement, suiets à preuue
de tesmoins, & reproches d'iceux, dont
aduiennent plusieurs inconueniens &
inuolution de procez: auons ordonné
& ordonnons, que dorefnauât de tou-
tes choses excedans la somme ou valeur
de cēt liures pour vne fois payer, serōt
passez contracts par deuant notaires &
tesmoins, par lesquels contracts, seule-
ment sera faite & receuë toute preuue
esdites matieres, sans receuoir aucune
preuue par tesmoins, outre le contenu
au contract, ne sur ce qui seroit allegué
auoir esté dit ou cōueni auant iceluy,
lors & depuis: en quoy n'entendons ex-
clurre les preuues des conuentions par-

ticulieres & autres, qui seroyent faites par les parties, sous leurs seings, seaux & escritures priuees.

L V.

LES preuues des tonsures, & professions de vœu monachal, seront receuës par lettres, & non par tesmoins: comme aussi les preuues des iugemens condemnatoires, ou absolutoires, dõt on voudra s'aider pour reproches ou saluations de tesmoins, és matieres ou lesdits tesmoignages auront lieu, sauf si la perte des registres estoit alleguee, dõt la preuue en ce cas sera receuë.

L V I.

POVR soulager nos suiets de la vexation des abus qui se commettent és pretendus priuileges, des gardes gardiennes, & Committimus: tât au siege des requestes de nostre palais que ailleurs: auons ordonné que dorefnauant iouïront desdits priuileges, pour euoquer

quer & distraire les causes des sieges ordinaires, les personnes qui ensuyuent, & non autres. C'est assauoir, les principaux officiers de nostre couronne, nos conseillers en nostre conseil priué, les maistres des requestes ordinaires de nostre hostel, nos notaires & secretaires, & les officiers domestiques, couchez en l'estat, & aux gages de nous, la Royne nostre mere: nos freres, sœurs, oncles & tantes, enfans de France: excepté ceux qui seroyent fait de marchandise. En iouïront aussi les gens & officiers de nos cours souueraines. Et quant aux aduocats & procureurs d'icelles, en iouïront seulement douze des plus anciens du nombre desdits aduocats, & autant desdits procureurs en nostre court de parlement à Paris, & és autres parlemēs six de chacun ordre. Pareillement en iouïront les chapitres & communantez des eglises de nostre royaume.

me, qui de ce ont priuilege, pour les affaires communs desdites eglises seulement, & n'aurōt lesdits Committimus lieu pour distraire nos suiets, hors le ressort de leur parlement: sinon pour nos domestiques & ceux qui en iouissent par priuilege special: en quoy n'entendons toucher aux priuileges des Princes ou Pairs de France, ni aucunement desroger à iceux.

L VII.

EN ampliant l'article de nos ordonnances faites à Orleans, pour le fait des substitutions: voulans oster plusieurs difficultez menës sur les substitutions auparauant faites, desquelles toutesfois le droit n'est encores escheu, ne acquis à aucune personne viuant: auons dit, déclaré & ordonné, que toutes substitutions faites auparauant nostredite ordonnance d'Orleans, en quelque disposition que ce soit, par contracts entre-

tre-vifs, ou derniere volonte, & sous
quelques paroles qu'elles soyent con-
ceues, seront restraints au quatrieme
degre outre l'institutiō, exceptees tou-
telsfois les substitutions, desquelles le
droit est escheu, & ia acquis aux person-
nes vians : ausquels n'entendons pre-
judicier. Ordonnons aussi, que dore-
navant toutes dispositions entre vifs,
ou de derniere volonte, contenans sub-
stitutions, seront pour le regard d'icel-
les substitutions publiees en iugement,
à iour de plaidoyerie, & enregistrez es
greffes royaux, plus prochains des lieux
des demeurances de ceux qui auront
fait lesdites substitutions, & ce dans six
mois, à cōpter, quant aux substitutions
testamētaires, du iour du decez de ceux
qui les aurōt faits : & pour le regard des
autres, du iour qu'elles auront esté pas-
sees, autrement seront nulles, & n'au-
ront aucun effet.

G

M a M

LVIII.

ET pour oster à l'auenir toutes occasions de fraudes, & de doutes qui pour royēt estre meus entre nos suiets, pour l'insinuation des donations qui seront ci apres faites : auons ordonné que dorénuant toutes donations faites entre vifs, mutuelles reciproques onereuses en faueur de mariage, & autres de quelque forme & qualité qu'elles soyēt faites entre-vifs, comme dit est, seront insinuées & enregistrees, és greffes de nos sieges ordinaires, de l'assiette des choses donnees, & de la demeureance des parties, dās quatre mois, à compter du iour & date d'icelles donatiōs, pour le regard des biens & personnes, & dās six mois, pour ceux qui seront hors nostre Royaume : autrement & à faute de ladite insinuation, seront & demeureront lesdites donatiōs nulles, & de nul effect & valeur, tant pour le regard du
crean-

creancier que de l'heritier du donant.
Et si dans ledit temps, ledit donant ou
donataire decedoit, pourra neātmoins
ladite insinuation estre faite dans ledit
temps, à compter du iour dudit cōtract
comme dessus, sans que ceste presente
ordonnance face aucun preiudice aux
donations cy deuant faites, & droits
acquis à nos suiets, à cause d'icelles, ni
aux instāces meües & à mouuoir pour
ce regard.

LIX.

ET par ce que nous auons entendu
que plusieurs de nos suiets, mineurs &
en bas aage, ont esté tirez par inductiōs
à ieux de hazard: ausquels ils ont perdu
& consommé leur ieunesse & substan-
ce, auons ordonné que les deniers &
biens perdus en tels ieux, pourrōt estre
repetez par lesdits mineurs, leurs pe-
res, meres, tuteurs & curateurs, ou pro-
che parent. Et voulons iceux biens leur

estre rendus, pour employer au profit
desdits mineurs, & euitier leur ruine &
destruction: sans par ces presentes ap-
prouuer tels ieuz entre maieurs, pour le
regard desquels entendons les ordon-
nances de nos predecesseurs estre gar-
dees, & y estre tenue la main par nos iu-
ges, ainsi que la matiere y sera disposee.

LX.

P O V R plus amplement declarer
& confirmer plusieurs articles de nos
ordonnances & de nos predecesseurs,
concernans la direction de nos parle-
mens & cours souueraines: lesquels n'
ont esté & ne sont generallyment gar-
dez en tous nosdits parlemens & cours
souueraines: auons ordonné que les
causes plaidees en audience publique
qui se trouueront en difficulté & de
l'aduis d'aucuns nos conseillers assistés,
subiettes à estre appointees au conseil,
ne seront doresnauant vuidees sur le
champ

champ:mais appointees au conseil, ou autrement reiglees à estre plus auant deliberees sur les pieces qui seront mises par deuers nosdites cours, pour au premier iour estre sur icelles ordonné ce qu'il appartiendra.

L X I.

LES lettres en forme de requeste ciuile obtenues par les parties, contre les arrestz & iugemens de nos cours & chambres d'icelles, donnees sur productions au conseil ou procez par escrit, ne seront plaidees en audience publique, que premierement n'ayent esté communiquees à nos aduocats & procureur general pour en parler à ceux qui aurót fait le rapport & presidé aux iugemens & arrestz susdits, & ce fait, en aduertir les presidens & conseillers en la grande chambre de nosdites cours, pour remettre les parties à audiéce publique, si faire se doit, où les appointer

promptement au conseil, & renuoyer la matiere en la chambre ou le procez aura esté iugé, & ce sur peine de nullité des procedures qui autrement seront faites, & des iugemens qui s'en feroient ensuyuis, sinon qu'il fust queltion du fait & faute des iuges, auquel cas les requestes ciuiles seront renuoyees en autre chambre que celle ou aura esté donné le iugement.

LXII.

D E F F E N D O N S à nosdites cours, receuoir les parties à faire instance par simple requeste, pour reuoker & retracter les arrests & iugemens, donnez en cognoissance de cause: ainsvoulons estre renuoyees à se pourueoir, selon les formes ordinaires, à la charge des amendes portees par nos ordonnances, lesquelles ne voulons estre aucunement moderees. Et declaros nulles, toutes procedures & iugemens, qui
se fe-

se feront au contraire.

LXIII.

ORDONNONS aussi que dorénavant és dictons des iugemens, & arrests qui seront donnez en nosdites courts, soyét mis & escripts au commencement, marge ou pied d'iceux, de la propre main du rapporteur ou du greffier, les noms de nos presidens & conseillers qui y auront assisté, à peine de nullité, comme dessus.

LXIIII.

FAISONS tresexpresses deffenses aux greffiers de nos courts, leurs clerks ou commis, sur peine de priuation de leurs estats & charges, de expedier ou deliurer aucunes commissions sur requeste, si la requeste n'a esté rapportee en pleine assemblee, & signee de l'un des presidens d'icelle, & du rapporteur de ladite requeste. Deffendõs aussi aux dessusdits, sur pareilles peines, d'exp-

dier aucunes requestes, portans commission d'aucun des conseillers de ladite court: soit pour ouir les parties à la barre: soit pour faire interrogatoires; tant en ciuil qu'en criminel: sinon que elles ayent esté rapportees en pleine compaignie, & signees de l'un des presidens de nosdites courts, & du rapporteur de ladite requeste.

LXV.

AVCVNS arrests ne seront receus au greffe, ni prononcez qu'ils ne soyent signez de l'un des presidens des chambres de nosdites courts, avec le rapporteur: sinon que pour l'absence desdits presidens, l'un des anciens conseillers y ait presidé, dont sera fait registre.

LXVI.

LES productions des incidens instruits à la barre entre les procureurs des parties, seront faites & mises au greffe, pour estre distribuees par nos presidens,

dens, à qui bon leur semblera.

LXVII.

A P R E S les comparitions des parties par procureurs en nosdites courts, ne seront dorefnauant iugez aucuns defauts, ni congez, sans appeler les procureurs qui pourfuyuront le iugemēt, & ceux contre lesquels on les pourfuyura, pour eux ouys en pleine court, cōdamner celuy desdits procureurs qui sera trouué en faute, és despens & telle amende qu'il appartiendra: le tout en son propre & priué nom, sans que les parties y puissent estre condamnez: sinon qu'il y eust de leur fait & faute, & ce sur peine de nullité comme dessus. Et voulons que si sur ce s'ensuyuoit aucun arrest, soit fait registre de l'auditio desdits procureurs.

LXVIII.

E T sur les remonstrances faites par les deputez d'aucuns nos parlemēs, sur

H

la diuersité des formes de proceder au iugement d'aucuns procez par commissaires, en ceux de nosdits parlemés, ou ils ont lieu: auons ordonné qu'aucun procez ne sera iugé par commissaires, en grand ou petit nombre, que lon dit petits commissaires: soit pour arrester les preuues, dattes ou calculs seulement: soit pour donner iugemét, sinon es cas designez & limitez par nos ordonnances, & de nos predecesseurs: qui sont instances de dommages & interests, criees, reddition de comptes, liquidation de fruits, & taxes de despens excedans trois articles: lesquelles instances seulement auons permis & permettons d'estre iugees par commissaires en nombre de dix seulement, y compris le president, sans y pouuoir appeler ni receuoir plus grand nombre, encores que ce fust du consentement des parties, & ce pour les parlemés qui iugent
à dix,

à dix, & pour les autres au nombre de sept au plus, compris le president ou autre moindre nombre, selon qu'ils ont accoustumé d'en vser, & hors lesdits cas & formes susdites: deffendons toutes vacations par commissaires, & declarons les iugemens, qui autrement seront donnez, nuls & de nul effect, reserués aux parties contre les iuges leurs dommages & interests, procedans de la contrauention à ceste nostre ordonnance, & se pourvoir pour ce regard par deuers nous, & en nostre cōseil. Et neâtmoins ou il seroit question de peu de choseés cas susdits, voulons lesdits procez estre iugez à l'ordinaire.

LXIX.

DEFFENDONS aussi aux peines que dessus, à toutes nos cours souveraines, de s'assébler, ni proceder à la visitation & iugement desdits procez, de commissaires aux heures de dix à

Hij

onze, & de cinq à six heures du iour, & autres extraordinaires, ny és iours de Dimanche & autres festes de l'eglise, ni semblablemēt hors nos cours & chambres d'icelles, ni és maisons particulieres de nos presidens & conseillers: aussi de ne faire doubles commissaires en vne apres disnee.

LXX.

ET sur les remonstrances qui nous ont esté faites pour le fait des euocations, declarons n'auoir entendu, comme n'entendons, qu'elles ayēt lieu hors les cas des edits & ordōnances de nous & nos predecesseurs: mesmement és matieres criminelles, esquelles voulons que sans auoir esgard aux euocations qui par importunité ou autrement, auroyent esté obtenues, soit passé outre à l'instruction & iugement des procez criminels: sinon que lesdites euocatiōs en causes ciuiles ou criminelles, eussent esté

esté pour aucunes causes à ce nous
mouuâs expedies de nostre comman-
dement, & signees par l'un de nos qua-
tre secretaires d'estat, auquel cas nos
parlemens & cours souueraines ne pas-
seront outre: mais nous pourront faire
faire telles remonstrances qu'il appar-
tiendra Declarans aussi en ce cas, que
celuy qui aura obtenu de nous euoca-
tion en cause criminelle, ne sera receu à
la presenter qu'il ne se soit réduit actuel-
lemēt prisonnier, és prisons de l'un ou
l'autre des lieux, dont le procez crimi-
nel sera reuocqué ou renuoyé.

LXXI.

POVR donner quelque ordre à
la police des villes de nostre Royaume,
& pouruoir aux plaintes qui de ce nous
ont esté faites, auons ordonné que les
maire, escheuins, consuls, capitols &
administrateurs des corps desdites vil-
les, qui ont eu ci deuant, & ont de pre-

sent l'exercice des causes ciuiles, criminelles, & de la police: continueront ci apres, seulement l'exercice du criminel & de la police. A quoy leur enioignons vaquer incessamment & diligemment, sans pouuoir dorefnauant s'entremettre de la cognoissance des instances ciuiles entre les parties, laquelle leur auôs interdite, & deffendons: & icelle renuoyons & attribuons à nos iuges ordinaires, ou des hauts iusticiers, des villes ou y a corps & communautéz tels que dessus: nonobstât tous priuileges, coustumes, vsances & prescriptions qu'on pourroit alleguer au contraire.

L X X I I.

E T quant aux villes esquelles nos officiers, ou desdits hauts iusticiers ont la police, & non lesdits corps & communautéz: voulons & ordonnons que de chacun quartier ou parroisse d'icelles, soyent esleus par les bourgeois & citoy-

citoyens y habitans, vn ou deux d'en-
tr'eux, qui auront la charge, admini-
stration & intendance de la police, &
de tout ce qui en depéd. Lesquels bour-
geois ou citoyens pourront estre esleus
de toutes qualitez des personnes habi-
tans és villes, sans excuse quelconque,
& auront puissance d'ordonner & faire
executer, iusques à la valeur de soixante
sols pour vne fois, sans que contre leurs
ordonnances & executiōs d'icelles on
se puisse pouruoir par appel. Bien serōt
receuës les doleances, & droit fait sur i-
celles par les iuges ordinaires des lieux,
en l'assemblee d'iceux bourgeois, la-
quelle se fera vne fois la semaine, par
deuant lesdits iuges, ausquels la police
appartiēt comme dessus: en laquelle as-
semblee se fera rapport par tous lesdits
bourgeois esleus, de ce qu'ils aurōt fait
ou sera besoin faire & ordonner pour
ladite police, à ce qu'ils se puissent con-

former les vns aux autres, & qu'il soit pourueu aux occurrences par la iustice ordinaire, mesmement en ce qui excèdera le pouuoir susdit, attribué ausdits bourgeois & citoyens : lesquels continueront ladite charge l'espace d'un an, ou de six mois pour le moins. Et le semblable sera obserué aux petites villes ou il y aura moindre nombre : en quoy ne entendons preiudicier ausdits iuges, qu'ils ne puissent par concurrence ou preuention pouruoir à la police desdites villes : entendans que lesdits bourgeois fassent le serment deuant lesdits iuges, tant de nous que des hauts iusticiers, & que les amendes soyent adiugées à nous & ausdits iusticiers.

LXXIII.

ENIOIGNONS aussi à tous nos officiers tenir la main à l'obseruance de nos edits & ordonnances, sur le fait des hospitaux, sur peine d'en res-
pon-

pondre en leur propre & priué nom,
pour leur defaut & negligence, & sous
mesmes peines faire rédre compte aux
commisaires, commis pour le regime
des biens & reuenu d'iceux, afin qu'ils
soyent deuëment employez és necessi-
tez des pauures, comme il est requis. En
oultre, ordonnons que les pauures de
chacune ville, bourgs & villages, serôt
nourris & entretenus par ceux de la vil-
le, bourg ou village dont ils sont natifs
& habitans, sans qu'ils puissent vaquer
& demander l'aumosne ailleurs qu'au
lieu duquel ils sont, & à ces fins seront
les habitans tenus cōtribuer à la nour-
riture desdits pauures, selon leurs facul-
tez, à la diligence des maire, escheuins,
consuls, & marguilliers des parroisses:
lesquels pauures seront tenus prendre
bulletin, & certification des dessusdits,
en cas que pour guérison de leurs ma-
ladies ils fussent contraints venir aux

villes ou bourgades, ou y à hostels Dieu
& maladeries pour ce destinez.

LX-XIII.

ENIOIGNON Saussi faire ex-
cutter reaument & de fait, les ordon-
nances faites pour oster & interdire les
confraries, assemblees, & banquets ac-
coustumez, pour bastōs & autres cho-
ses semblables, & les deniers d'icelles e-
stre employez suyuant le contenu esdi-
tes ordonnances, ce que pareillement
entendōs estre executé, pour le regard
de la receptiō des maistres en tous arts,
disciplines & mestiers, sans permettre
par nos iuges la commutation des ban-
quets en argent, ou autre chose equiva-
lent, qui pourroit estre donné pour par-
uenir ausdites receptions.

LXV.

NONOBSANT les degrez &
nominations d'aucuns soy disans gra-
duiez nommez, voulons neantmoins
& per-

& permettons aux prelates de nostre Royaume, d'examiner & enquerir la suffisance de ceux qui se presenteront pour obtenir en ladite qualite aucuns benefices, & faire expedier acte de leur suffisance ou insuffisance, & de leur response ou refus, pour en iugeant le possesseur des benefices y auoir par nos iuges tel esgard que de raison. Enioignans au surplus à tous nos iuges, de garder esdites matieres les ordonnances, concernans l'impetration des benefices, differens & controuerses, pour raison d'iceux.

LXXVI.

ET sur la remonstrance à nous faite de la part d'aucuns nos Parlemens, admonnestons & neâtmoins enioignons à tous archeuesques, & metropolitains bailler leurs vicariats à personnes constituees en dignité ecclesiastique, residans dans le ressort de nos parlemens,

pour y auoir recours quât besoin sera,
& ce sur peine de saisie de leur tēporel.

LXXVII.

DEFFENDONS trefestroitement à tous nos suiets, d'escrire, imprimer & exposer en vête, aucuns liures, libelles ou escrits diffamatoires & cōuicieux, cōtre l'hōneur & renommee des persōnes, sous quelque pretexte ou occasion que ce soit: & declarōs dès à present tels scripteurs, imprimeurs & vendeurs, & chacun d'eux, infracteurs de paix & perturbateurs du repos public, & comme tels, voulons estre punis des peines contenues en nos edits. Enioignons à nos suiets qui ont tels liures ou escrits, de les brusler dedans trois mois, sur les peines de nosdits edits.

LXXVIII.

DEFFENDONS aussi à toutes personnes que ce soit, n'imprimer ou faire imprimer aucuns liures ou traittez
sans

fans nostre congé ou permissiõ , & lettres de priuilege expediees sous nostre grád seal. Auquel cas enioignons aussi à l'imprimeur d'y mettre & inserer son nom & le lieu de sa demeurâce, ensemble ledit congé & priuilege , & ce sur peine de perdition de biés & punition corporelle.

LXXIX.

TOVTE S promesses faites entre financiers, pour fait de compte: ensemble tous blancs signets, baillez pour ce regard n'auront aucun effet ni force, apres le compte rendu & clos, entre celuy qui les aura faits & baillez , & celuy qui les aura receus.

LXXX.

SVYVANT l'ordonnance de nos predecesseurs, & icelle renouuelât: auons ordonné que les breuets de don, congé & dispense, pour quelque cause que ce soit, n'aurõt aucũ effet vn mois

apres la date d'iceux.

LXXXI.

DEFFENDONS aussi suyuant
lesdites ordonnances, à tous nos iuges,
d'auoir aucun esgard à nos lettres clo-
ses, qui auront esté, ou seront ci apres
expedices, & à eux enuoyces pour le
fait de la iustice.

LXXXII.

NOS ordonnances, sur le fait des
hosteleries, seront gardees & estroite-
ment obseruees par nos iuges, selon
qu'il leur est mandé par icelles, sans y y-
fer de remise ou negligence: leur enioi-
gnans tenir la main, que les hosteliers
ayent en leur maison & hosteleries, vn
tableau attaché en la principale entree
d'icelles, auquel seront inscrites lesdi-
tes ordonnances & taux des viures, le
tout sur peine de cinquante liures pour
chacune faute desdits hosteliers, & aux
iuges & officiers des villes, bourgs &
villa-

villages, de priuatiō de leurs estats, leur enioignāt à ceste fin, visiter en personne, ou faire visiter chacun iour par commissaires, huissiers ou sergens, lesdites hosteleries, pour estre informez & ouïr les plaintes & contrauentions aux ordonnances : afin d'y pouruoir promptement.

LXX XIII.

L'ORDONNANCE des arbitres pour les iugemens des causes entre proches parens en fait de partage & autres differens, sera gardee & obseruee, sans empeschement quelconque.

LXX XIII.

LES edits & ordonnances faites pour la suppressiō des procureurs, portans deffenses d'en receuoir aucuns, tāt en nos cours souueraines que sieges inferieurs, seront gardees & entretenues, & auons dès à present reuoqué & reuouons toutes les receptions faites au

nostre plaisir. Et afin que ce soit chose
ferme & stable à l'aduenir, & perpetuel-
le memoire, Nous auons fait apposer
nostre seel à ces presentes.

Donné à Moulins au mois de Fe-
urier, l'an de grace mil cinq cés soixan-
te six, & de nostre regne le sixiesme.

Et a costé Visa. Et plus bas.

P A R le Roy estant en son conseil,
auquel estoient la Roine sa mere, mō-
seigneur le duc d'Anjou, messieurs les
cardinal de Bourbon, prince de Con-
dé, duc de Montpensier, prince-Dau-
phin, les cardinaux de Lorraine & de
Guyse, ducs de Longueuille, de Ne-
mours & Neuers: cardinal de Chastil-
lon, cōnestable & chancelier, les sieurs
de Vieilleuille, de Bourdillon & Dam-
uille mareschaux, le sieur de Chastillō,
admi-

admiral de France, & autres conseillers
au conseil priué dudit seigneur.

Signé De l'Aubespine.

Vn paraphe.

ET seellé sur double queuë de cir
verd, en lacs de soye rouge & verd.

Et plus bas est escrit.

*Leuës, publiees & enregistrees, ouy le pro-
cureur general du Roy, sous les declaratiōs &
modificatiōs contenues en l'arrest de la court.
Donné, les chambres assemblees presentement
leu & publié à Rouen en Parlement, le xxx.
iour d'Aoust, mil cinq cens soixante six.*

K ij

EXTRAIT DES REGI-
stres de la court de parlement.



Euës par la court les
châbres assemblees
les lettres patêtes en
forme d'edit : don-
nees à Moulins, au
mois de Feurier der-
nier. Cōtenans plu-
sieurs articles & ordonnances sur le fait
& administration de la iustice, avec la
conclusion du procureur general du
Roy : la matiere mise en deliberation
& tout considéré.

LA DITE court a ordonné &
ordonne que lesdites lettres patentes
d'edit & ordonnances, seront publiees
& enregistrees, tant en ladite court que
és iurisdiccions des bailliages de ce res-
sort, sous les declarations, limitations
& modifications ci apres declarees.

C'est

C'est assauoir, que le premier article aura lieu, pour le regard des edits receus & publicz en ladite court. Sur les dix-sept & quarantedeuxième articles, La court a ordonné & ordōne, que les recusations seront iugees en tel nombre qu'il sera requis, pour le iugement de la cause, soit ciuile ou criminelle, en laquelle la recusation sera proposee. Aux vingthuit & vingtneufième articles, sera entendue ceste clause: & autres ayās droit de confiscation. Sur le trêtesixième article: la court a ordonné, qu'il sera publié, demeurant neantmoins l'ordonnance de l'an mil cinq cens trente-neuf, publié en icelle en l'an cinq cens quarante, en sa force & vertu, pour les preuues des faits iustificatifs & de reproche. Qu'au quarantième article seront cōprins & entédus, les escoliers actuellement estudians & sans fraude. Sur le quarātehuitième article pour le regard

de l'emprisonnément, aura lieu aux arrests
diffinitifs, & sentéces non suiuettes à ap-
pel. Et quand aux doublemens, & tier-
cemés des sommes adiugees, ils demeure-
rôt à l'arbitrage du iuge. Que du qua-
ranteneufième article, sera vñé suyuant
la coustume & ordōnances receuës au
pays. Que le mois de l'offre, mentionné
au cinquantedeuxième article, ne cō-
mencera à courir que du iour de l'inter-
pellation qui sera faite deuant le iuge
exécuteur du iugement. Quant au cin-
quantetroisième article, la court à or-
donné & ordonne, auparauant procé-
der à la publication de l'edit en ce re-
gard: que remonstrances seront faites
au Roy, de l'vsance, & des arrests don-
nez au contraire. Sur le cinquantequa-
trième article, la court a ordonné & or-
donne qu'il sera publié, par ce que tou-
tes choses excédans cent liures, seront
passées deuant les tabellions, ou sous
seings

seings priuez. Que le cinquãtecinquième article sera entédu & aura lieu, pour les professions aduenir, dont la court enioint faire registre. Quãt au cinquãtesixième article, auparauint proceder à la publication d'iceluy, pour le chef, concernãt le committimus des domestiques du Roy, pour tirer les suiets hors leur parlement, la court a ordonné & ordonne qu'il sera supplié au Roy qu'il luy plaise que sesdits suiets ne soyent vexez & trauaillez, estans tirez hors du ressort de leur parlement, contre les libertez du pays & chartre Normãde, attendu qu'il y a iuge pour les priuilegiez. Sur le lxiiij. article, la court a ordonné & ordonne, auparauint proceder à la publication de l'edit, en ce regard, que remonstrances seront faites au Roy, qu'il y est satisfait par les registres qui se font en chacune des chãbres de ladite court & que cependant en sera vsé comme il

est accoustumé. Quant au lxiiij. art. La-
dite court a ordonné & ordonne aupara-
uant proceder à la publication d'ice-
luy, que remonstrances en seront faites
au Roy, & que cependant sera fait regi-
stre des commissions qui seront expé-
diées, pour executer hors la ville. Sur les
lxviiij. & lxix. artic. la court a ordonné &
ordonne, qu'ils serōt publicz, sauf à en
vser comme de coustume, quand deux
des quatre presidés se trouuerōt en vne
chambre, sauf aussi à ordōner du nom-
bre des conseillers, & du temps selon la
qualité des matieres. Et sur le lxxxiiij.
article, la court a ordonné & ordonne
qu'il aura lieu, suyuant l'arrest de ladite
court. Donnée, les chambres assemblees
sur la reduction des procureurs, & let-
tres patentes du feu Roy Henri, le tout
sous le bon plaisir du Roy.

Signé, D E B O I S L E V E S Q V E.





